

GARIS PANDUAN
ANUGERAH INOVASI NEGERI SELANGOR (AINS)
TAHUN 2018

1. TUJUAN GARIS PANDUAN

Garis panduan ini bertujuan untuk membantu pemohon untuk mengemukakan permohonan bagi menyertai Anugerah Inovasi Negeri Selangor (AINS). Garis panduan ini menggariskan syarat-syarat kelayakan, syarat-syarat pertandingan, kriteria-kriteria penilaian, proses pemilihan pemenang dan tatacara permohonan AINS.

2. ANUGERAH INOVASI NEGERI SELANGOR (AINS)

2.1. PENGENALAN

Anugerah Inovasi Negeri Selangor (AINS) merupakan gabungan antara Anugerah Inovasi Sektor Awam Negeri Selangor (diperkenalkan mulai tahun 2010) dan Program Cabaran My Innovation (diperkenalkan pada tahun 2015) yang bertujuan untuk memberi peluang kepada semua penduduk di Negeri Selangor yang meliputi individu / orang perseorangan / penjawat awam, syarikat swasta, pelajar sekolah dan pelajar Institut Pengajian Tinggi (IPT) dalam mencetus idea baru yang kreatif dan inovatif ke arah pembudayaan inovasi di Negeri Selangor.

2.2. DEFINISI INOVASI

Inovasi adalah cetusan idea-idea kreatif dan inovatif yang dapat meningkatkan kualiti dan produktiviti penyampaian perkhidmatan atau penggunaan sesuatu produk. Idea-idea tersebut boleh diperolehi dari dalam dan luar atau melalui proses penyelidikan dan pembangunan (R&D) sebagai idea baru atau adaptasi

untuk diguna pakai mengikut keperluan. Inovasi yang dihasilkan hendaklah berupaya menambah nilai output semasa serta membawa transformasi dan perubahan kepada amalan sedia ada. Inovasi boleh berbentuk produk, perkhidmatan, proses atau teknologi.

2.3. OBJEKTIF AINS

- i. Mengumpul maklumat produk / hasil inovasi;
- ii. Mempromosi dan menonjolkan produk / hasil inovasi oleh segenap lapisan masyarakat;
- iii. Memberikan pengiktirafan kepada produk / hasil inovasi terbaik sebagai bentuk galakan kepada masyarakat di Negeri Selangor mengembangkan minat dan potensi yang berteraskan inovasi dan kreativiti; dan
- iv. Memupuk, membudaya dan menyemarakkan budaya kreatif dan inovatif dalam pekerjaan dan persekitaran masyarakat di Negeri Selangor.

2.4. JADUAL TURUN PADANG JEJAK INOVASI DAN PENILAIAN AINS

Mekanisme penilaian bagi Anugerah Inovasi Negeri Selangor (AINS) melibatkan pengenap pastian produk / hasil inovasi dari sembilan (9) daerah dan dua belas (12) Pihak Berkuasa Tempatan (PBT) di Negeri Selangor. Pada tahun 2018, semua PBT di Negeri Selangor akan bertindak selaku penyelaras di peringkat daerah masing-masing. Jadual penilaian Anugerah Inovasi Negeri Selangor (AINS) Tahun 2018 adalah seperti berikut: -

- | | | |
|---------------------------------|---|---------------|
| i. Majlis Daerah Sabak Bernam | - | 16 Julai 2018 |
| ii. Majlis Daerah Hulu Selangor | - | 18 Julai 2018 |

iii.	Majlis Daerah Kuala Selangor	-	23 Julai 2018
iv.	Majlis Daerah Kuala Langat	-	25 Julai 2018
v.	Majlis Perbandaran Sepang	-	26 Julai 2018
vi.	Majlis Perbandaran Klang	-	30 Julai 2018
vii.	Majlis Perbandaran Kajang	-	1 Ogos 2018
viii.	Majlis Perbandaran Ampang Jaya	-	6 Ogos 2018
ix.	Majlis Bandaraya Petaling Jaya	-	7 Ogos 2018
x.	Majlis Perbandaran Subang Jaya	-	9 Ogos 2018
xi.	Majlis Perbandaran Selayang	-	13 Ogos 2018
xii.	Majlis Bandaraya Shah Alam	-	15 Ogos 2018

*tertakluk kepada perubahan dari masa ke masa.

2.5. KATEGORI PERTANDINGAN

Anugerah Inovasi Negeri Selangor dibahagikan kepada enam (6) kategori dan satu (1) anugerah khas seperti berikut: -

- i. Kategori Sektor Awam (Pejabat Daerah dan Tanah/ Pihak Berkuasa Tempatan/ Agensi-Agenzi Lain)
- ii. Kategori Sektor Swasta
- iii. Kategori Akar Umbi
- iv. Kategori Sekolah
- v. Kategori Institusi Pengajian Tinggi IPT)
- vi. Kategori Idea Asal / Prototaip Terbaik
- vii. Anugerah Khas Produk Akhir Terbaik

2.6. SYARAT-SYARAT PENYERTAAN

Syarat-syarat penyertaan adalah seperti berikut :-

- i. Penyertaan ini terbuka kepada semua penduduk, jabatan / agensi kerajaan, syarikat-syarikat swasta, sekolah dan Institut Pengajian Tinggi (IPT) di Negeri Selangor.
- ii. Inovasi yang dihasilkan hendaklah berusia dalam lingkungan dua (2) tahun (2016 – 2018).

- iii. Setiap peserta boleh menghantar seberapa banyak penyertaan. Namun begitu, hanya penyertaan terbaik sahaja yang akan dipilih sebagai pemenang.
- iv. Setiap penyertaan perlu menggunakan borang rasmi seperti di **LAMPIRAN A** yang boleh didapati di lokasi-lokasi berikut :-
 - a. Bahagian Korporat, Pejabat Setiausaha Kerajaan Negeri Selangor
 - b. Semua Pihak Berkuasa Tempatan (PBT) di Negeri Selangor
 - c. Laman sesawang Pejabat Setiausaha Kerajaan Negeri Selangor di www.selangor.gov.my
- v. Kos projek / hasil inovasi adalah menjadi tanggungjawab setiap peserta.
- vi. Penyertaan bagi Kategori Sektor Awam / Swasta perlu mendapat pengesahan dan kelulusan Ketua Jabatan / Agensi yang berkenaan.
- vii. Penyertaan bagi Kategori Sekolah / IPT perlu mendapat pengesahan dari pihak sekolah / IPT yang berkenaan.
- viii. Tiada sebarang yuran penyertaan dikenakan.
- ix. Setiap penyertaan akan melalui dua (2) peringkat penilaian.
 - a. Peringkat Pertama (Penilaian Awal)

Semua penyertaan akan dinilai dalam sesi penilaian awal yang akan diadakan di semua PBT. Panel Penilai dan Urusetia akan hadir ke lokasi yang ditetapkan dan menilai produk / hasil inovasi yang

dicalonkan dan menentukan penyertaan yang akan terpilih ke peringkat akhir.

b. Peringkat Kedua (Penilaian Akhir)

Semua produk / hasil inovasi yang terpilih ke peringkat akhir akan dimaklumkan melalui PBT yang berkaitan dan mestilah hadir dan bersedia bagi sesi penilaian akhir yang akan diadakan pada satu tarikh yang akan dimaklumkan.

Penilaian akhir akan diadakan di Pejabat Setiausaha Kerajaan Negeri Selangor, Bangunan Sultan Salahuddin Abdul Aziz Shah, Shah Alam bersempena dengan Minggu Inovasi Pentadbiran Kerajaan Negeri Selangor dengan penglibatan empat (4) orang Panel Penilai yang diberikan tanggungjawab menilai semua penyertaan yang terpilih.

- x. Penyertaan bagi peserta yang tidak dapat memberikan komitmen dan hadir semasa tarikh penilaian adalah dianggap terbatal secara automatik. Namun begitu, ia perlulah dimaklumkan kepada penyelaras di peringkat PBT atau secara terus kepada pihak Urusetia di Bahagian Korporat, Pejabat Setiausaha Kerajaan Negeri Selangor.

2.7. SYARAT-SYARAT PERTANDINGAN

Syarat-syarat pertandingan adalah seperti berikut: -

- i. Pertandingan ini terbuka kepada penyertaan bagi semua kategori produk / hasil inovasi.
- ii. Cetusan idea bagi produk / hasil inovasi mestilah daripada ciptaan asli peserta dan tidak meniru / menciplak mana-mana produk / hasil inovasi yang lain.
- iii. Peserta perlu menyediakan dokumen berkaitan produk / hasil inovasi yang dipilih yang mengandungi perkara – perkara berikut seperti di **LAMPIRAN B** :-
 - Tajuk Inovasi
 - Nama Jabatan / Agensi / Institusi
 - Pengenalan
 - Latar belakang ringkas perkhidmatan
 - Penerangan Hasil Inovasi
 - Ringkasan hasil inovasi
 - Tarikh inovasi dihasilkan
 - Tujuan Projek Inovasi
 - Proses pelaksanaan inovasi (nyatakan jika dibuat *in-house* atau *out-source*)
 - Proses sebelum dan selepas

- Elemen penurunan kuasa (jika ada)
 - Kumpulan sasar dan skop liputan
 - Impak inovasi terhadap kumpulan sasar
 - Elemen Inovatif / Kreatif
 - Elemen keberkesan
 - Elemen Signifikan
 - Elemen Relevan
 - Pengiktirafan diterima
 - Gambar – gambar berkaitan
 - Implikasi Kewangan (jika ada)
- Penutup
- iv. Penyertaan adalah dibuka kepada semua produk / hasil inovasi yang dihasilkan dalam **tempoh dua (2) tahun terakhir (Mei 2016 – Mei 2018)** termasuk yang telah dikomersialkan.
- v. Penggunaan bahan-bahan kitar semula / terbuang adalah sangat digalakkan.
- vi. Penggunaan sebarang perisian adalah dibenarkan tetapi ia tertakluk kepada undang-undang berkaitan perkomputeran sedia ada yang terpakai.
- vii. Keputusan Panel Penilai / Juri adalah muktamad dan sebarang bantahan adalah tidak dibenarkan.

2.8. PROSES PENILAIAN

Proses penilaian bagi Anugerah Inovasi Negeri Selangor (AINS) adalah seperti berikut :-

i. Peringkat Pertama : Penilaian Tapak & Tapisan Urusetia

- Semua penyertaan akan melalui proses penilaian di tapak di mana produk / hasil inovasi berkenaan dihasilkan. Penilaian adalah berdasarkan kepada skema pemarkahan yang telah disediakan dan temubual serta dokumen projek yang disertakan.
- Semua peserta perlu menunjukkan produk / hasil inovasi kepada Panel Penilai dan membuat sesi penerangan ringkas berkaitan produk yang dihasilkan. Peserta juga perlu menyediakan dokumen seperti di perenggan 2.7 (iii) di atas untuk dinilai oleh Panel Penilai bagi Peringkat Kedua.

ii. Peringkat Kedua : Penilaian Berdasarkan Dokumen, Pameran dan Demonstrasi Produk

- Dokumen-dokumen projek perlu mematuhi dan mengandungi semua maklumat seperti di perenggan 2.7 (iii) di atas. Panel Penilai akan membuat penilaian berdasarkan kepada komponen penilaian seperti berikut:-
 - a) Keaslian produk / hasil inovasi
 - b) Kreatif / inovatif
 - c) Tahap penggunaan / aplikasi produk / hasil inovasi
 - d) Impak penggunaan produk / hasil inovasi

- Di peringkat kedua ini, Panel Penilai akan membuat penilaian dan menentukan produk / hasil inovasi terbaik mengikut kategori-kategori yang dipertandingkan.
- Semua peserta yang terpilih ke peringkat akhir akan diwajibkan menyertai pameran yang akan dikendalikan oleh pihak Urusetia.
- Para peserta akhir perlu menyediakan kelengkapan dan peralatan-peralatan yang berkaitan terutamanya produk / hasil inovasi yang dipertandingkan. Tapak dan peralatan asas bagi ruang pameran akan disediakan oleh pihak Urusetia. Kreativiti dan inovasi ruang pameran masing-masing akan turut diambil kira.
- Setiap peserta akhir diwajibkan membuat persembahan / demonstrasi produk kepada Panel Penilai dan bersedia menjawab semua pertanyaan dan soalan yang dikemukakan dan memberikan sebarang maklum balas yang diperlukan. Setiap peserta akan diberikan masa selama 10 minit untuk melaksanakan sesi persembahan / demonstrasi produk.

2.9. KRITERIA PENILAIAN

Penilaian dan pemarkahan pertandingan akan mengambil kira komponen seperti berikut:

BIL	KRITERIA PEMARKAHAN	MARKAH (%)
1	Idea	25
2	Produk	30
3	Faedah / Impak	40
4	Persembahan	5
	MARKAH KESELURUHAN	100

Markah keseluruhan ditentukan dengan menjumlahkan markah semua komponen mengikut wajaran yang ditetapkan. Taraf pencapaian bagi projek secara keseluruhan ditafsirkan melalui pencapaian bintang seperti berikut:

ANUGERAH	MARKAH (%)
	90 – 100
	70 – 89
	50 – 69

2.10. BENTUK ANUGERAH/PENGHARGAAN

Hadiah dan ganjaran akan diberikan kepada penyertaan yang mendapat tiga markah tertinggi bagi setiap kategori yang dipertandingkan.

Hadiah dan ganjaran bagi Kategori Sektor Awam (Pihak Berkuasa Tempatan / Pejabat Daerah dan Tanah / Agensi-Agenzi Lain), Sektor Swasta dan Sektor IPT adalah seperti berikut:-

BIL	TEMPAT	HADIAH
1	Hadiah Utama	RM 10,000.00, Piala dan Sijil Penghargaan
2	2 Hadiah Penghargaan	RM 5,000.00 dan Sijil Penghargaan
3	Saguhati	Sijil Penghargaan

Hadiah dan ganjaran bagi Kategori Akar Umbi, Sekolah dan Idea Asal / Prototype Terbaik adalah seperti berikut:-

BIL	TEMPAT	HADIAH
1	Johan	RM 5,000.00, Piala dan Sijil Penghargaan
2	2 Hadiah Penghargaan	RM 2,500.00 dan Sijil Penghargaan
4	Saguhati	Sijil Penghargaan

Hadiah dan ganjaran bagi Anugerah Khas Produk Akhir Terbaik adalah seperti berikut:-

BIL	ANUGERAH	HADIAH
1	Produk Akhir Terbaik	RM 5,000.00, Piala dan Sijil Penghargaan

2.11. TATACARA PERMOHONAN

Setiap permohonan mestilah mematuhi tatacara permohonan seperti berikut:-

- i. Setiap penyertaan perlu menggunakan borang rasmi yang disediakan.
- ii. Setiap penyertaan hendaklah dikemukakan sebelum atau pada **31 MEI 2018** melalui salah satu jabatan / agensi berikut:-
 - Pihak Berkuasa Tempatan
 - Bahagian Korporat, Pejabat SUK Selangor

- iii. Penyertaan mestilah mempunyai perkara-perkara berikut:-
- Borang Rasmi Penyertaan (Lampiran A)
 - Dokumen / Buku Laporan Produk / Hasil Inovasi (Lampiran B)
- iv. Pihak Urusetia berhak menolak mana-mana penyertaan yang tidak mematuhi syarat-syarat penyertaan dan pertandingan.